



Gejú á dit: "Chël co crëi te me viará, ince sce al mörl!"
La comunité d'Al Plan tol comié da **Maria Comploi**
gnüda a mancé con 96 agn. Ai familiars les
condolianzes plü sontides. Che ara pálsi tla pêsc.

Enformaziuns y Comunicaziuns



Le signé da Pasca: Eniann ne podunse nia festejé l'Edema Santa y la Pasca deboriada te dlijia, tan deplü orunse porchël tigní sön i simboi stersc de cösc temp. Desche i fajun te cösta Domëgna dal Orí, che l'orí vën benedí tres radio, orunse fá le medemo ince en Pasca. La comunité é enviada da arjigné i cësc dal signé, desco vigne ann. Empede co i condü a dlijia, orunse düc i mëter te ciasa sön mësa enfordida, ascuté deboriada la gran mëssa co sará da aldí tal Radio de Ploania ales 8:30, y enló él spo signor Klaus co fajará la benedisciun dal signé tres le radio.

Mësses y funziuns: Deache an ne pó al momont nia roé adöm te dlijia, recordunse che ia por l'edema vëgnel dit plü mësses y funziuns, co é da aldí tres le Radio de Ploania (ciara calënder liturgich). Ensciö sarál ince da aldí les funziuns dal'Edema Santa, olache signor Klaus dij la mëssa dla Jöbia Santa ales 20:00, la liturgia dal Vëndres Sanc ales 15:00 y la funziun dla Sabeda Santa ales 20:00.

Te internet: la Ploania de Badia píta le pröm iade la poscibilité da ti ciaré ales funziuns dla Edema Santa tres internet, sön www.facebook.com/grupdecanal, con i medemi orars desco dessora.

Ciampanes: La ciampana é te cöstes edemes stromont de liam. Vigne dé ales 18:00 vëgnel soné dui minuc la gran ciampana de dlijia y la ciampana dal Ciüch (Vëndres Sanc y Sabeda Santa ales 18:00 la sbatora), co enviëia da perié do aiüt te cösta situaziun de trica por le monn. Düc é enviés da perié empara da ciasa. Aladó dles desposiziuns dla Diozeja, gnarál lapró soné adöm por 10 minuc alalungia en Jöbia Santa ales 18:00, en Sabeda Santa ales 22:00 y en domëgna de Pasca ales 12:00.



Trage die
gesuchten Be-
griffe in das
Gitter ein,
und du er-
fährst in der
gelb unter-
legten Spalte,
wohin Irmi
jetzt geht.

Lösung: 1. Stuhl; 2. Socke; 3. Buch;
4. Tür; 5. Roller; 6. Baer = Schule

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: **Signor Klaus Sottsas**
E-Mail: ploaniaalplan@gmail.com

Calogna Al Plan: **0474 501006**
Radio de Ploania: **93,00 MHz**

UNITÉ PASTORALA



VAL BADIA
www.unitepastorala.org

Ann A

05.04.2020 - Domëgna dal Orí - EDEMA SANTA

nr. 19



Fora dal vangele:

Osanna al Fi de Davide! - Matí 21, 9

I me arjigni ca ala festa de Pasca:
i me toli dlaurela da tó pert ala liturgia dl'Edema Santa
che porta dal tru dla pasciun ala ligrëza dla ressureziun.
FOR FUTURE – por n miú dagní.



Cösc é le profet, Gejú da Nazaret: Osanna!



Dal Vagnele do San Mateo 21, 1-11

¹Canche Gejú ea roé con sü acompagnadus nia dalunc da Ierusalem a Bëtfaghe söla Munt dal Orí, ál orcé dui discepu danfora ²y ti á dit: Jide tal paisc co é dan os; danló ciararëise na müscia tacada y en polerin lapró. Destachédela, y condüjedemla! ³Y sce zacai ess da ves dí val', spo rospognede: Le Signur l'adora, al la lascia defata condüje zoruch. ⁴Cösc é sozedü por ch'al s'adempliss ci co é gnü dit tres le profet: ⁵Dijedi ala fia de Sionn: Ciara, to re vën da te. Al ó la pêsc, y al raita sön na müscia y en polerin, söle polerin d'en tier da port. ⁶I discepu é jüs y á fat ci che le Signur ti á dé sö. ⁷Ai á condüt la müscia y le polerin, á motü sü guanc sön chisc y spo s'ál sonté lassora. ⁸Trepa jont destenea sü guanc ia por strada, d'atri taiâ jö rames dai lëns y les sternea ia por tru. ⁹La jont, co jea danfora y co ti gnea do, scraia: Osanna al Fi de Davide! Benedí sides ël, co vën tal ennom dal Signur. Osanna tal plü alt dal cí! ¹⁰Canch'al ea jü ete te Ierusalem, s'á döta la ciütë emozioné y an damanâ: Ch'é pa cösc? ¹¹La jont dijea: Cösc é le profet, Gejú da Nazaret tla Galilea. **Parora dal Signur. Lalt a te Gejú Crist!**



Edema liturgica dai 05.04. ai 12.04.2020	
DOM 05.	Domëgna dal orí FESTA DAL INGRES DE GEJÚ A IERÚSALEM <i>Vinzenz Ferrer, Crescentia, Iuliana</i>
8:30	Gran Mëssa con benedisciun dal bel orí, da aldí te Radio Ploania
12:00	Les ciampanes sona adöm y enviëia al'oraziun
18:00	La ciampana enviëia al'oraziun
Lön 06.	<i>dl'edema santa / Zelestin, Sisto, Wilhelm</i>
18:00	La ciampana enviëia al'oraziun
Ded 07.	<i>dl'edema santa / Jan Baptist de la Salle, Albert</i>
18:00	La ciampana enviëia al'oraziun
19:30	Corona da aldí te Radio Ploania
Dem 08.	<i>dl'edema santa / Walter, Beata</i>
18:00	La ciampana enviëia al'oraziun
19:30	Via Crucis – Les Staziuns da aldí te Radio Ploania
Jöb 09.	JÖBIA SANTA / <i>Waltraud, Konrad</i>
18:00	Les ciampanes sona adöm y enviëia al'oraziun
20:00	S.M. dla cëna dal Signur y dla istituziun dal Sazerdoze da aldí te Radio Ploania
Ven 10.	VÈNDRES SANC / <i>Engelbert, Hulda, Magdalena G.</i>
15:00	Funziun dal vëndres sanc, zelebrazion dla pasciun dal Signur y adoraziun dla crusc te familia - da aldí te Radio Ploania
Sab 11.	SABEDA SANTA / <i>Gemma Galgani, Stanislaus</i>
20:00	S.M. dla Velia de Pasca da aldí te Radio Ploania
22:00	Les ciampanes sona adöm y enviëia al'oraziun
DOM 12.	GRAN FESTA DE PASCA <i>Zeno, Herta</i>
8:30	Gran Mëssa da festa da aldí te Radio Ploania con benedisciun dal signé
12:00	Les ciampanes sona adöm y enviëia al'oraziun
18:00	La ciampana enviëia al'oraziun

„Cares sorus y cari fredesc!

Šën él atló, le tomp dla grazia; šën él atló, le de dla salvëza” (2 Cor 6,2). Cöstes parores dal apostul Paul fora dla 2. Lëtra a chi da Corint él la Dlijia co aplichëia vigne ann sön la Carsëma. Cösta convinziun de fede ciafa te cöstes edemes en sonn particular. Poa, ince te cöstes edemes él „Tomp dla grazia y dis dla salvëza”. Cöstes edemes nes mët ala proa a nivel personal y ince spiritual, con esperionzes ch'i ne sun nia aüsés, esperionzes co fej ince mé. Šën él le tomp dla solidaritë, dla responsabilitë, dla conversciun, y por les porsones co creï él - de vigne vers - en tomp particular por chirí SÖA presonza y confidé te SO aiüt. I se präii, propio sot a cöstes condiziuns, che i tignunse adöm umanamonter y spiritualmonter, ch'i se stunse dlungia y se dunse sostën l'önn con l'ater. I sun lié con os tla oraziun y tla speranza.” **Vësko Ivo Muser**

Domëgna dal Orí

Gonot nes damanunse desche an pó scombate le mal y porté ennant le bun. I podun tó en ejompl da Gejú: Èl ne vá nia a Ierusalem nobl a ciaval, mo sön en müsc. Por la jont enlaota significâ cösc: Èl operëia la salvëza con umilté y sonza potënza. Les rames benedides dal bel orí nes recorda Crist, le Re dla pesc y la forza de söa benedisciun.



Edema Santa

Con la Domëgna dal Orí mët man l'Edema Santa.

Jöbia Santa

Oraziun dal de - Periun! Onipotënt, etern Idio, la sëra dan söa pasciun á to Fi sorandé ala Dlijia le sacrificze dla nea y eterna aleanza y á istituí le past de so amur: fá che la partezipaziun a coesc gran mister nes dais plenëza de vita y d'amur. De cösc te periunse, por nosc Signur Gejú Crist, to Fi, co é Dio y vir y regnëia con te, tal unité dal Spirit Sant, por düc i secui dai secui. Amen.

Salm 116

To caresc, Signur, é scincunda de salvëza.

Co pói pa ti réte al Signur
döt ci che al m'á fat de bëgn?
I ó inalzé le caresc dla salvëza
y cherdé l'enom dal Signur.
Gran valur á dan dai edli dal Signur
la mort de sü fedei.
Iu sun to fant,
le fi de töa fancela;
tö ás rot mies morones.
Iu ó t'ofrí en sacrificze de rengraziamont
y cherdé l'enom dal Signur.
Ci che i á empormetü al Signur,
ói mantegní dan da döt so popul.

Vëndres Sanc

Oraziun dal de - Periun! Recordete, Signur, dles gran operes de töa misericordia. Santifichëia y ciara de töa familia: por éra á to Fi, Gejú Crist, dé ca so sanch y inauguré le mister de Pasca.
dal Salm 31
Pere, te töes mans sorandái mio spirit.
Pa te, Signur, chiri iu sogürté!
Ara ne mo moiará nia.
No mai mo lascé su
y sálveme te töa iustizia!
Te töes mans sorandái mio spirit:
tö m'ás salvé, Signur, Dio fedel.
Desco en mort sunsi desmentié
y i sun desco ciomont.
Mo iu, Signur, confidi en te y diji:
Tö es mio Dio.
Te töes mans é mio destin.
Delibrëieme dala man dai nemisc
co me poseghitëia.

Sabeda Santa

dal Salm 118

Aleluia, aleluia, aleluia.
Rengraziede le Signur,
ël é plëgn de bunté.
Iu ne moriará nia,
mo i viará por encündé les opres dal Signur.
La pera che i moradus á refodé
é gnüda pera de ciantun.
Cösta é na opra dal Signur,
n miraco dan da nüsc edli.